



**JUDICIAL SYSTEM MONITORING PROGRAMME**  
**PROGRAMA MONITORIZASAUN BA SISTEMA JUDISIÁRIU**

*Komunikadu Imprensa*  
*Distritu Baucau*  
**21 -Julu- 2014**

**Komunidade iha Suku Osso-Wala apresia treinamentu “Asesu ba Justisa” hosi JSMP**

Iha 18 Julu 2014, JSMP liu hosi Unidade Peskizador Jurídiku (LRU) hala'o treinamentu iha Suku Osso-Wala, Sub-distritu Vemasse, Distritu Baucau, kona-ba “Asesu ba Justisa”.

Treinamentu ne'e partisipa hosi ema hamutuk nain 35, ne'ebé kompostu husi fetu ema nain 18 no mane ema nain 17. Partisipantes sira mai hosi estrutura suku, representante grupu fetu, joventude fetu no mane inklui membru komunidade sira balun.

Materia ne'ebé fasilitador fahe ne'e kobre sistema justisa formal ho ninia lala'ok, konseitu jerál kona-ba direitus umanus, lei formal ne'ebé vigor iha Timor Leste, kna'ar autoridade judisial sira hanesan juiz, prokuradores no ajente prosesual sira hanesan defensoria públiku no advogadu privadu. Aleinde ne'e, kobre mós oinsa asesu ba justisa formal wainhira sai nu'udar arguidu ka sai hanesan vítima husi krime violénsia doméstika, violasaun seksuál no krime ho natureza sira seluk.

“Atividade treinamentu ne'e hanesan atividade kontinuausaun hosi JSMP, hodi kontinua haklaken no fahe informasaun ba komunidade sira inklui lider komunitária no joventude sira atu nune'é sira hotu bele iha koñesimentu ne'ebé suficiente kona-ba setór judisiáriu, hodi bele prosesu sira nia kazu iha justisa formal” dehan Diretór Ezekutivu JSMP, Luis de Oliveira Sampaio

Xefe Suku Osso-Wala Sr. Tomas Ximenes dos Reis iha ninia abertura haktuir katak komunidade iha suku Osso-Wala *apresia JSMP nia inisiativa hodi hakat too ba iha sira nia suku hodi fahe informasaun kona-ba sistema justisa formal, tanba dala barak kazu ne'ebé akontese iha sira nia suku maibe sira rasik lahatene dalan oinsa mak atu prosesu kazu sira ne'e liu husi justisa formal.*

Tanab ne'e nia hatutan katak, liu husi treinamentu ne'e mak bele hasae koñesimentu autoridade lokal inklui lia nain sira hodi rezolve problema tuir dalan justisa formal.

JSMP observa katak, partisipante sira pro ativu teb-tebes hodi husu pergunta, tanba durante ne'e sira nia preokopasaun kona-ba oinsa rezolve krime sériu sira tuir dalan justisa formal, tanba realidade iha distritu no liuliu sira ne'ebé hela iha área rurál ladun hatene diak kona-ba lalaok justisa formal.

JSMP hein katak ho atividade treinamentu ne'e, bele hametin diak liu tan koñesimentu comunidade iha área rural sira kona-ba lalaok justisa formal, liu-liu atu fasilita sira kona-ba opsaun oinsa atu trata kazu sira ne'ebe akontese iha sira nia suku laran.

Atividade treinamentu ne'e realize tanba hetan suporta orsamentu husi UNDEF.

Atu hetan informasaun kle'an favor kontaktu diretamente:

Luis de Oliveira Sampaio

Diretór Ezekutivu JSMP

Diresaun e-mail: [luis@jsmp.minihub.org](mailto:luis@jsmp.minihub.org)

[info@jsmp.minihub.org](mailto:info@jsmp.minihub.org)

telefone: 3323883/77295795

webiste: [www.jsmp.tl](http://www.jsmp.tl)

facebook [www.facebook.com/timorleste.jsmp](http://www.facebook.com/timorleste.jsmp)

twitter: @JSMPtl